

續修陝西省通志稿

第八十五冊

卷一百六十七至一百六十八

續修陝西通志稿卷一百六十七

紀事一

平定教匪

甯陝兵變

廂匪附

平定教匪上

漢魏相諫伐匈奴書有曰兵驕者敗善哉言乎夷攷前清大征伐之役有三曰前三藩曰後三藩曰口捻回而川湖陝教匪之役次焉要其所以操全勝而集大勲者夫亦曰不驕而已矣前三藩之誅也適當順治之季朝廷初不滿假世祖遺言至以六大過自責後三藩之誅也聖祖兢業自持若魏象樞之以撤藩請誅明米謝叛逆且懇招撫三藩引七旬苗格之說廟堂謙損曾不之罪而口寇之殄也曾國藩報捷疏亦云宮禁雖極儉嗇而不惜以鉅餉募戰士名器雖極慎重而不惜以破格獎有功廟算雖極精密而不惜屈己以從將帥之謀惟不驕故不泰而欲然有以靖天下之亂

即就陝省教匪之役言之旗綠兵怠傲之未能制勝吉黑江驍悍之未足宣威則不憚以兵而改勇專閫之屢獎於二楊偏裨之超擢於羅桂則不憚以滿而易漢始謂堅壁清野之勞民繼則督行無懈始謂查收鎗矛之非計繼則消弭有功迨陝川告捷國家詔令諄諄猶謂大病雖愈痍瘡未復命諸帥無遽旋京成功不居而統兵大臣若額勒登保德楞泰勒保等亦頗能恤士民之艱融滿漢之見下堡寨督修之令陳防剿並施之謨功甫告歲額勒登保即請繳經畧參贊印信勒保能獎進堅壁清野之龔景瀚德楞泰能瀚拔招撫獲咎之楊芳至於逋寇稽誅流民徧野大學士韓城王杰一陳赦脅從廣蠲卹之奏封事夕入詔書朝頒並有從古惟聞用兵於敵國未聞用兵於吾民自相攻擊屠戮生靈日夜哀矜寢食俱廢之語震悚謙抑消盡驕溢之念人心安得而不服大亂

安得而不平哉春秋傳云齊桓公爲葵邱之會震而矜之叛者九國晉悼公納魏絳和戎息民之諍三駕而楚不能與爭信乎忠信得之驕泰失之大學之言足爲用兵者警矣茲述平教匪本末專詳事涉陝境者而甯陝兵變廂匪亂事附焉夫甯陝猶叛兵也而廂匪則非兵而民蓋東南之亂兆矣嗚呼可勿知儆哉

清嘉慶元年十月四川達州白蓮教匪滋事朝命陝甘總督宜縣赴邊界督防 白蓮教者奸民假治病持齋爲名僞造經咒惑衆斂財而安徽劉松爲之首乾隆四十年劉松以河南鹿邑邪教事發被捕遣戍甘肅復分遣其黨劉之協宋之清授教傳徒徧川陝湖北日久黨益衆遂謀不靖倡言劫運將至以同教鹿邑王氏子曰發生者詭明裔朱姓煽動流俗乾隆五十八年事覺復捕獲各伏辜王發生以童幼免死戍新疆惟劉之協遠颺是年復迹於河

南之扶溝不獲於是有旨大索州縣吏奉行不善逐戶搜緝胥役
乘虐而武昌府同知常丹葵奉檄荊州宜昌株連羅織富破家貧
陷死無算時川湖粵貴民方以苗事困軍興無賴之徒亦以嚴禁
私鹽私鑄失業益讐官思亂奸徒乘機煽惑於是發難於荊襄達
州駸淫於陝西而亂作矣

聖武記

達州教匪徐添德一作徐添德達

之亭子鋪人也嘗充本州役緣事斥革遂習白蓮教時教首劉之
協在襄陽有李某者捕魚爲業傳報信息故添德與湖北賊消息
常通其初假燒香求福爲名愚民多信之而蹤迹詭秘人莫能測
是春湖北告警傳聞事由教匪猶未知添德之欲爲逆也至六七
月間其黨往來稠集紛紛整衣糧造器械事始大露鄉約李文瑰
李元德先後報本州不以爲意是年九月十五日添德遂與弟添
壽及王登廷張永壽趙麻花王學禮汪瀛熊翠熊方書陳侍學作

亂於亭子鋪旬日間有衆萬人復與太平東鄉賊王三槐冷天祿等連結初四川有嘯匪而無教匪嘯匪者金川之役官兵潰於木果木其逃卒無歸者與失業夫役無賴悍民散匿川東北剽掠爲生及官捕急則以白蓮教爲逋逃藪又湖北襄陽敗賊多竄入川皆陝楚籍居十之二故一旦揭竿戰鬪如素習而川東數州縣皆界連漢南大小巴山袤延千餘里賊巢居其中四川總督英善成都將軍勒禮善勦之陝西巡撫秦承恩赴漢南防禦皆無敢疾馳掩其烏合者是月甲申事聞上諭軍機大臣等現在川省達州有教匪滋事秦承恩業經馳赴漢中防堵宜縣應探聽信息如川陝毗連地方有須添兵防堵之處即酌量情形或派撥將弁帶兵前往協助或親赴邊界督率彈壓如秦承恩在彼足資防範甘肅地方亦屬緊要宜縣自當在省靜鎮彈壓不必遠赴邊界

述編
聖武記

十一月宜縣等奏勦除興安賊匪地方漸就肅清先是湖北教匪滋事陝西巡撫秦承恩帶兵赴陝楚接壤要隘堵截宜縣自蘭州赴西安駐紮命即辦理糧餉策應彈壓宜縣以商州路通鄖陽隘口十餘處賊匪俱可竄入親赴商州防堵又奏襄陽樊城爲南北咽喉派參將九十遊擊常格隨同頭等侍衛明亮前往堵勦尋奏查明鄖西縣教匪王全禮等滋事緣由復派員分赴鄖陽鄖西搜剿逸匪並盤獲房縣保康竄匪漢江以北之賊勦除淨盡並籌善後事宜以獎勵鄉勇令推義總俾有責成

鄉勇之議始見於此

禁

止擅殺誣害及撫卹難民旌表節烈防範漢江北岸諭旨嘉之又飭屬查拏陝西白河縣傳習邪教之陳孝因拒捕經差役格殺奏入令訪緝潛匪務絕根株至是達州及東鄉太平俱有賊匪滋擾宜縣統領官兵馳至興安由太平沿途勦捕與四川總督英善會

勦俄而川匪竄入陝省興安屬之安康平利紫陽等縣宜縣派肅
州鎮總兵索費英阿由西鄉入川進勦而親率兵繼之 十一月
己巳諭軍機大臣光化一帶與鄖西一帶毗連相近陝西商州若
不亟爲堵截設賊匪竄入鄖西一帶或與陝西教匪勾結更屬不
成事體陝西紫陽平利等處之賊不過川省闌入餘匪易於撲滅
現在既有此事宜縣秦承恩柯藩三人可以不必同赴川省著傳
諭宜縣等將興安賊匪勦淨後即著柯藩迅赴紫陽一帶將闌入
賊匪截殺淨盡肅清陝界再赴川省達州協勦興漢地方亦關緊
要秦承恩仍在該處彈壓宜縣迅赴商州鄖西堵勦勿使黃龍壩
逸匪闌入勾結時安康突起教匪數千擾近興安府城宜縣馳抵
興安會同秦承恩提督柯藩進勦其府城以南牛蹠鋪古廟嶺兩
處之賊王可秀成自智等以安嶺爲巢穴其在府城北者馮得仕

等屯聚將軍山而安嶺尤逼近郡城宜縣派遊擊海洪阿等攻古廟嶺親率官兵督戰克之進逼安嶺大寨復克之斃賊數千生擒王可秀成自智及餘匪四百餘名尋攻將軍山賊巢斷其汲道用礮轟斃賊首馮得祿趙可徵生擒馮得仕賊均就縛共一千八百二十名遂殲滅漢江北岸大小米溪之賊偕柯藩索費英阿勦漢江南岸洞汝二河之賊汝河賊匪併入洞河五作雲合力抵拒官兵分路攻之宜縣由洞河口進并飭將弁抄賊後斃賊多名會各路兵進逼五作雲大寨放入火箭焚其草房板屋延及水城乘賊慌亂我軍擁上殲斃賊首何知和廖明萬李九萬並夥匪三千餘名被焚及自戕者千餘名而紫陽境內亦肅清矣

國史
宜縣
本傳
參東
華錄

嘉慶二年 正月教匪李全暨姚之富齊王氏由河南犯武關商維復侵及興安渡漢入蜀 是年惠齡代永保總統軍務而惠齡

一路惟提督慶成力戰屢殲襄賊賊勢漸蹙乃景安擁兵四千屯南陽不出一卒賊窺北面可乘遂三路分犯河南其西路李全由信陽轉應山隨州向確山趨淅川奔盧氏慶成追之賊益西從內鄉盧氏諸山進徧武關商雒所至驅脅又有商南新起賊五六千應之姚之富齊王氏皆追及於鄖西連兵西上將由陝入川離河南西境三百里時景安避賊駐軍內鄉賊入陝後二十餘日始至而惠齡亦於慶成收復十餘日後始抵鄖西慶成約恆瑞夾擊於漢北恆瑞以新有秦賊辭又阿爾薩朗奉檄赴鄖西亦逗留不至奉旨詰責御史宋澍言惠齡奏殲賊不下數萬何以至今蠡聚景安防禦南陽逾年何以任賊橫行秦承恩近屯興漢何以武關全陝門戶曾不設備豈非各分畛域懷觀望乞專簡大臣督師三省庶乎援應靈而事權一時姚之富已由商州犯孝義廳地通藍田

爲入西安要路秦承恩扼秦嶺禦之惠齡慶成由山陽追擊賊南去鎮安與李全王廷詔合掠洵陽安康官兵鄉勇守漢岸柯藩亦防禦洵陽賊不能渡漢將由北岸直趨漢陰石泉渡上游以合川賊柯藩奏襄鄖賊分路前來臣防守興安府城兵只二百前調回兵二千爲督臣陸有仁檄止至今未至惟急催秦承恩惠齡軍速進會剿有仁被逮而襄賊已并爲一由漢陰至紫陽奪船渡漢後五日惠齡始至恆瑞尙未至上震怒詰惠齡等追賊不力防漢不嚴奪職效力命宜縣總統川陝軍務其防堵各兵分赴漢南追剿襄賊於渡漢後遂分三路入川矣 四月詔責諸將老師糜餉令各奏用兵方畧 是月甲申諭軍機大臣等上年邪教起自長陽當陽未幾鄖襄一帶相繼滋擾雖經一次撲滅而巴東歸州之賊竄入黃柏山近又逃匿芭葉山其達州教匪延及興安紫陽等處

者亦已肅清而金莪寺清溪場賊巢迄今尙未勦滅至襄陽之賊
先在鍾宜棗隨一帶屯聚近由盧氏竄入陝境商雒東奔西竄往
來無定所過村莊焚掠爲害若不亟籌掃蕩僅事尾追使未經蹂
躪之區復遭擾累日復一日伊於胡底各路領兵大臣俱係特派
前往甯不知賊匪多過一處即多擾一處多一日搶掠則百姓多
一日顛連而糜費帑金尙爲餘事伊等身列行間目擊情形何以
漫無籌畫若云事權不能歸一則襄陽一路原責成惠齡達州一
路原責成宜縣黃柏山一路原責成額勒登保福寧若云兵力不
敷已節次派調鄰省各兵京營勁旅並湖南撤回勝兵共至數萬
軍威不爲不壯即軍餉一項各省撥解以及特發部帑不下三千
餘萬豈尙不敷支給即此外尙有礙難情形伊等亦應據實奏聞
或自揣才力不能辦賊更當奏明候另派大臣前往督勦乃諸處

大員並無一字奏及況明季流寇橫行皆緣其時紀綱不整朋黨爲奸文恬武嬉置民瘼於不問以致敗事方今吏治肅清勤求民隱每遇水旱偏災不惜多費帑金蠲賑兼施百姓具有天良均應知感此次邪匪煽誘不過烏合亂民國家威稜遠播凡在荒徼無不賓服若以內地亂民糾衆滋擾不能立時殄滅其何以奠九寓而服四夷耶若再不知激發天良速擒首逆掃除餘匪以致流毒蔓延多耽時日自思應得何罪再湖北賊匪前在荆宜施襄鄖一帶其焚掠處所在各府縣中統計若干處合之湖北一省約有十分之幾又襄陽之賊竄入豫境由桐柏至嵩縣盧氏內鄉浙川一帶被搶村莊若干見復竄至陝西商雒及達州教匪闌入興安紫陽一帶被賊蹂躪處所若干及達州之賊在該州境內焚掠村莊若干川陝二省各有十分之幾並著查明覆奏至被擾各該省州

縣難民復業者已有若干見在如何安輯並著各督撫妥爲撫綏勿使失所去而從賊方爲妥善朕於有功自加懋賞有罪亦即嚴懲信賞必罰惟在各路領兵大臣自擇耳勿謂言之不豫也

嘉慶東華

錄

六月襄賊渡漢竄蜀復犯楚漳宜二路之賊又竄入陝界時

漳宜二路之賊窺荆襄不遂復折回房竹佯走陝西欲引官兵追入山而乘間北渡漢明亮等擊賊茨河鎮賊分路來犯馬步約七千官兵據山岡夾攻斬賊千二百漢江防甚嚴賊不能北渡復西竄前隊掠白河洵陽愈追愈西明亮等邀擊於鄖西勁騎五路衝之奮斬二千餘賊蹈溝內積尸而遁

嘉慶二年八月十四日西安右翼副都統豐伸布在白河

關廟紅旗保陣亡豐伸布也所云漳宜二路賊者謂齊王氏等時

在南漳王廷詔等時在宜城分三路北犯也既而前留川之襄賊李全復自巴州與王三槐分黨欲出陝還楚沿漢東走慶成登舟

下漢以邀其前恆瑞惠齡由陸躡其後來攻賊於紫陽復礮退賊
騎涉漢者於汝河慶成遂一晝夜抵興安時東西兩路賊相會於
興安南岸而惠齡恆瑞並先後追至諸將議以賊東竄不遂必渡
漢而北乃令柯藩以兵千五百助秦承恩守興安惠齡富成以兵
三千循漢南而西與明亮等夾擊時竹山竹溪鄉勇各萬人殺賊
有功詔發花翎五藍翎十命景安分賞出力者尋姚之富李全出
平利分道而南欲引明亮德楞泰大軍入山而王廷詔等由安康
北犯興安適惠齡擊却之復追擊於漢南山內先後擒斬二千餘
賊不得渡漢復奔紫陽石泉乃使恆瑞以兵四千還漢中與宜縣
交勦其明亮德楞泰所追平利之賊

國史明亮本傳嘉慶二年六月賊勢復熾姚之富齊王氏

稱黃號徐天德稱青號王三槐稱白號設掌櫃元帥先鋒總兵諸
偽稱分屯肆擾九月賊由穀城西走均州屢爲官軍所敗不能北

渡自房縣竄陝境平利楚匪李全先自川入陝至是與齊姚二逆
合折而南竄明亮等追至界嶺聞賊欲由難心嶺入川先令掘斷

山先路後賊殺折回千鎮餘人賊復軍北走明紫陽明亮克捷逼至白沔峽口設伏奮
省借其黨張漢潮又合白號高均德股匪西奔漢中分爲四股入渡川

北江而日夜長驅向大寧以提督劉君輔兵勇扼雞心嶺斷其去路

折回鎮坪迎敵大軍明亮德楞泰以精兵陳峽口而伏兵左右山
勁騎衝擊斬賊千百并伏兵各路山溝均斬數百又扼樹河口走
路賊合屯高壩保險不出我乃佯撤樹河口之兵設數伏而官軍
他道偪之賊萬餘果趨樹河口伏四起衝賊爲五首尾不相顧斬
賊數千轉坂下竄者三千餘涉河入箐者千餘初賊之入陝也每
路皆稱齊王氏姚之富以煽衆及是詰知姚齊二賊已入安康賊
隊而北路則張漢潮等六賊已殲其二餘賊三路狂奔所過皆剗
道壞梁礪土石官兵亦贏糧宋阻窮追及之撒子坪賊復合爲一
將及惠齡所追前賊爲恆瑞敗諸西鄉而惠齡由漢南追襲值後

二賊復至惠齡慶成伏兵堰口左右而陳騎兵於山岡俟賊前隊過聞礮起衝斷爲數隊斬殺無算賊復奔入山

聖武記

九月明亮

德楞泰奏請飭近賊州縣勸民修築土堡以禦賊安民自襄賊起事騷擾皆在漢北及賊由川還楚復經漢南之宜昌荊門安陸襄陽鄖陽焚掠十八州縣而房保二竹瘡痍尤重又長陽一股由施南奔巴東往還蹂躪幾千里詔分別蠲卹有差於是明亮德楞泰奏言臣等自楚入陝所經村莊皆已焚燼蓋藏皆已搜劫男婦皆已虜掠目不忍見已擾者固宜安卹未擾者尤宜隄防查各州縣在城之民有城池以保障是以賊匪皆不攻城其村落市鎮僅恃一二隘口鄉勇或遠不及防或間道失守倉皇逃避不但衣糧盡爲賊有且備衛之火藥器械反以藉寇而資盜而各賊所至之處有屋舍以棲止有衣食火藥以接濟有騾馬芻草以駝騎更換有